

Miercus 8
S. Zuan di Diu

Sabide 11
S. Costantin

Martars 14
S. Lazar v.

Il proverbi
Ogni pietin pal so cjâf

Joibe 9
S. Francescje Romane

Domenie 12
S. Luís Orion

Il temp
Timp variabil

Lis voris dal mès
Finit di cuinçâ lis vîts e i pomârs

Vinars 10
S. Gai e Alessandri

Lunis 13
S. Rodri v.



Il soreli
Ai 8 al jeve aes 6.30
e al va a mont aes 18.05



La lune
Ai 12 lune plene



BASILIAN
Lis contis zalis di Fedora D'Angelo te Vile Zamparo



Vinars ai 10 di Març, aes 8 e mieze di sere, li dal centri civici di Vile Zamparo, a Basilian, al vignarà presentât il gnûf libri di Fedora D'Angelo, «Zeriatrik Zâl» (te foto). Durinvie de serade, par cure dal assessorât ae culture dal Comun di Basilian e dal sportel pe lenghe furlane, daspò une curte intoduzion dal assessorât ae culture, Claudio Baldini, la autore e contará al public cemût che a son nassudis lis contis zalis in lenghe furlane che a son stadiis metudis dongje te racuelte, ambientadis jenfri Sunviele e Spilimberc e che a ân par fonde lis aventuris di vecjuts vivaròs e plens di morbin. Fedora D'Angelo e vif in Friûl e à scrit il romanç «Alba a Montefalco» e i zâi «Il segret de Biblioteche» e «Il Cifrari», ducj i doi leâts ae Furlanie.

FILOLOGICHE
«Lengthis», concors paï students des scuelis superiôrs dal Friûl




La Societât filologiche furlane e promôt il concors «Lengthis», par traduzions des lengthis euro-peanis al furlan, riservât ai students des scuelis superiôrs dal Friûl. Pal concors si à di voltà par furlan un test todesc o inglês. Par ogni lenghe a son dôs sezions di partecipazion: une paï students dal bieni e une par chei dal trieni. Premis in libris par vincidôrs e segnalâts. Al è temp par partecipâ fin ai 14 di Avril. Plui informazions e i tesci di voltà si cjatin sul sit de Filologiche ae direzion www.filologicafrulana.it

LIGNAN
Trastolons al MigrArt Festival cui lôr «Cjants»



I Trastolons (te foto, intune reunion) – il grup poetic che al à judat la rinnovazion de scriture in lenghe furlane e influît sui svilups de «gnove musiche furlane» – a tornin cui lôr «Cjants di accompagnament al tierç milenî», una performance leterarie-musical cun Stefán Morat, Lussia di Uanis, Fabian Riz e Guido Carrara. L'apontament – immanéât dentri di «MigrArt Festival: la art come incuintri», al è pal dopomisdi di sabide ai 18 di Març tal L.Hub Park di Lignan, in viale Europe, devant de sede de pulizie municipal. Ospits speciai Fabrizio Cittossi e Franco Polenttaruti. Cun Pauli Cantarut.

Dai 10 di Març ai 19 di Avril, tal Teatri comunâl «Giuseppe Verdi» di Pordenon, in mostre libris e ilustrazions di Sandri Di Suald



A man çampe:
cualchidun
dai lavors
che a saran
in mostre
tal Teatri comunâl
«Giuseppe Verdi»
di Pordenon;
te foto
parsore,
il lôr autôr
Sandri Di Suald.

Une vite di contis e pipins

In esposizion ancie i materiâi no publicâts relatifs a un gnûf libri su Benandants e Malandants che al zuie cu la art moderne e cun chê contemporanie

UN SPERIMENTADÔR cence pâs. Di schene passe cuarante agns di ilustrazions e ricerche, che al sarà possibil gjoldi li dal Teatri comunâl «Giuseppe Verdi» di Pordenon, a tacâ di vinars ai 10 di Març, aes 6 sot sere, cuant che e vignarà screade la mostre «Di Suald. Contis e pipins di soreli jevat». Si, parcè che, fin ai 19 di Avril, ogni di des 4 e mieze daspomisdi aes 7 sot sere e intai oraris dai spetacui (jentrada a gratis), si podaran amirâ tal fojer une sessantine di disens e une cincuantine di libris che a ilustrin la attività editoriali di **Sandri Di Suald**, che al à dedicât la sô vite professional, e no dome, ae valorizazion de lenghe e culture furlanis. Ilustrazions tradizionali, virtuâls, fumets, ma ancie materiâi no publicâts, tant che chei relativi ai Benandants e ai Malandants, protagonisc di «un libri intelectual popolar che, tra il seri e l'ironic, al fevelerà di chescj vuerîrs e di dut ce che ju coinvolç – il concet dal temp, il jessi in spirt... – zuiant cu la art mo-

derne e cun chê contemporanie», al conte Di Suald. «I lavori di scuasi dîs agns, ma prime – al anticipe – a jessaran i doi prins volums gotics de quadriologie sui Benandants».

Sandri Di Suald (Alessandro D'Osualdo) al labore tal camp de comunicazion e de culture di agnorum. Ancie scritôr, al à vinçut intal 1985 il premi leterari «San Simon» cul romanç «Ah! La provincie». Al è l'inventor di Tarvos, il prin fumut stampât dut par furlan. Tra i siei personaçs a fumuts a son ancie Tzan le Valdotaine, trilengâl e fat pa valdostans, e la suriute Relè. Tra i siei libris o ricuardin «Arrivano i longobardi!» e «Salvans!». Al à immanéât cetans mostris, tant che chê, di grant succès, su Kandinsky a Vile Manin.

Sandri, stant che di mîts e leiedis indi sa, cuâl isal il personaç dal mít che al somee di plui al furlan?

«Al varès di jessi il maçarot, ma mi sa che al è il salvant; metût di bande e copât dai ultins rivâts pûr vint dât e insegnât a lôr».

Di Tarvos a Relè, al à simpri

cirût di sperimentâ stradis gnovis pe lenghe furlane. Isal alc che nol à anjemò fat?

«Chel che o intint fâ: costru dal marketing teritorial su cierts mîts che si palesin ancie traviers di une lenghe specifiche».

Cjalant ai siei passe cuarante agns di attività editoriali, quale ise stade la plui biele sodisfa-zion?

«A son almancul dôs: il premi Alpe-Adria «pal jutori dât ae comprenzion tra i populi» e ciatâ ciertis mês intuiziuns tornâdis a cjapâ a nível internazio-nal».

Une cruzie?

«Iodi che i «furlaniscj» a son i prins a evitati e, cundut che tu vierzis stradis gnovis, a no vi-gnîti daûr, par continuâ a produsi material o iniziativis vecjis tant che il cuc e che no puartin di nissune bande, nome a coscj intuiji».

Cui siei lavors al à judat i furlans a cognossi lis lôr lidris, a vê plui cussione de lôr storie e culture, de lôr lenghe, de lôr identitat. Parce isal impuantant continuâ a «educâ» i furlans?

«Al è impuantant par doi mutif: ufrî une personalitat proprie che e devente personalitat identificative di cheste tiere (che cumò no le à), di mût che e

vendi miôr economicementi e turisticementi cheste sô specificitât».

Di un creatif, si spietisi pro-puestis inovativis. Aial alc di di-proponi?

«Chel che o ai fat. Une im-puantante cijase editore taliane, domandantmi i miei libris che e à definit «materiâi preziosi», mi à dit che o soi indenant dîs agns de editorie».

Vuê si fevele tant di cosmopolitism. Jessi citadins dal mont ce vuelial dî par un popul come chel furlan?

«Nuie e dut. Nuie parcè che o sin simpri stâts cosmopolits. Dut parcè chest cosmopoliti-sim dordel e superficial cence lidris nus sta copant».

A ce staial lavorant cumò?

«A tirâ sù la Cjargne e a tornâ a disegnâ la mè atividat, püssi-bilmentri a nível internazio-nal».

Di resint, il dibatit sul auto-nomism si è tornât a scjaldâ. Di ce àno bisugne i furlans?

«Di sveâsi. Si dîs che i furlans si alcin adore, ma si svein tart. Ancje se tu i disis lis robis justis di fâ, a van pe lôr cence risul-tats, parcè che no rivin propit a capi il mont che ur sta intor. Masse fideisim e passatisim di basse lee».

ERIKA ADAMI

Storie de art furlane in lenghe/101 Di Merengo a Comuzzo, la sculture tal Sîscent

TANT CHE LA architetture, ancie te sculture lis personalitâts di rilevanza non son tantis. Fra chestis o vin di ricuardâ i trê fradis Merengo, i Marinali e il Brustolon, insieme a chei de nestre dinastie dai Comuzzi, responsabili des oparis plui impuantantis tal Friûl.

Di Rico Meyerling italianizât Merengo, o vin dôs impuantantis teste-moneancis, l'âltar de parochiâl di Sant Stefán di Nimis, formât cu la Pietât, lis statuis di Sant Pieri e de Federa a man çampe, de Caritât e di Sant Pauli a man drete, intun insieme ba-roci. Il grup marmori si presente uni-

tari e ben tornât, si viôt une man plui lizere.

Orazio Marinali al à lassât in Friûl diviersis testemoneancis impuantantis: a Udin, denant dal sotpuarti de Basileche des Graciis, si puidan amirâ lis statuis de Madone cul Frutin e chê di Sant Filipp Benizzi, fatis tal 1711, li che al è stât influençât de art venite dal Cincent.

Simpri a Udin tal palaç Pontoni, in vie Aquilee, cijanton cun vie Piave, sui pilastris che a tegnî sù la ringhiera, a dominin cuatri gigants, un di chescj firmât, che silein ancjemò al gust tart dal manierism; pe lôr fun-

zioni decorative no ân impegnât une vore l'artist. Tal 1912 a son stadiis fatis des modifichis impuantantis cuntun rivestiment sul stil «neorinassimen-tal liberty».

Di Agnul Marinali a son lis statuis dai Sants Pieri e Filipp Benizzi te paro-chiâl di Codroip, custode a Vignesie tal 1821, dulà che a fasin biele figure te glesie de Caritat; di ducj i doi fradis a son i doi agnui te glesie di Sante Clare di Udin, datâts 1696 e firmâts, lavôr che al rimarche la tipiche paronance imbarlumide di Agnul.

Continuant la tradizion de sculture in len locâl al è il cep dai Comuzzo,

che al à cjapâ sù la ereditât dai tu-miezins cul insedament di motifs ve-nits. Fra lis sôs oparis plui impuantantis o vin di ricuardâ la ancone de parochiâl di Rivolt, opare di Vicenç Comuzzo (1622-1678) cuntune vore di elements decoratifs tant che vidiçs (te foto, altâr dal artist tal santuari di Cueste di Davian). Sul plan culturâl al cijape sù modui venezians, par esem-pli i pipins e i «cartigli ae Sansovino».

Simpri a lôr o vin un Crucifis cun Sant Antoni di Padue, Marc e Laurin te capele dai Dolfins di Rorai piçul di Porcje. Si trate di une opare di grande rilevanza estetica pal ecuilibri tra la



fedeltât iconografiche e la stilizazion personâl.

BEPPI AGOSTINIS